



Broj: 10/E-11-3745/23
Sarajevo, 18-07-2023 godine

Na osnovu člana 69. stav (2), tačka d), člana 70. stav (4) Zakona o javnim nabavkama Bosne i Hercegovine ("Službeni glasnik BiH", br. 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisije za nabavku roba, usluga i radova II imenovana rješenjem broj: 10-45-1695/23 od 23.02.2023.godine, u daljem tekstu: Komisija II, u postupku javne nabavke za izvođenje radova na izgradnji tipiziranih objekata jednostavnih usluga, (Zapisnik o pregledu i ocjeni ponuda broj: 10/E-11-3745/23 od 14.07.2023.godine), Opštinski načelnik d o n o s i:

O D L U K U O P O N I Š T E N J U P O S T U P K A

I Poništava se postupak javne nabavke za izvođenje radova na investicionom održavanju stambenih prostora Općine Centar, putem otvorenog postupka, iz razloga što nije dostavljena nijedna prihvatljiva ponuda, u skladu sa članom 69. stav (2) tačka d) Zakona o javnim nabavkama Bosne i Hercegovine ("Službeni glasnik BiH", br. 39/14 i 59/22).

II Ova odluka stupa na snagu danom donošenja i dostavlja se ponuđačima koji su učestvovali u postupku javne nabavke u roku od 7 dana, shodno članu 71. Zakona i ista će biti objavljena na Internet stranici Općine Centar Sarajevo.

O b r a z l o ž e n j e

Postupak javne nabavke za izvođenje radova na investicionom održavanju stambenih prostora Općine Centar, pokrenut je Odlukom Općinskog načelnika broj: 10/E-11-3745/23 od 12.06.2023. godine.

Javna nabavka je provedena putem otvorenog postupka, a procijenjena vrijednost javne nabavke je 515.000,00 KM bez PDV-a za cijeli period trajanja okvirnog sporazuma.

Obavještenje o nabavci broj: 848-1-3-93-3-116/23 objavljeno je na Portalu javnih nabavki dana 20.06.2023.godine.

Komisija II je dostavila Zapisnik o pregledu i ocjeni ponuda od 14.07.2023.godine, uz preporuku za poništenje postupka javne nabavke br.: 10/E-11-3745/23 za izvođenje radova na investicionom održavanju stambenih prostora Općine Centar.

U određenom roku za predaju ponuda, 12.07.2023. godine do 12,00 sati, dostavljene su 2 (dvije) ponude, i to od ponuđača: OD „AMCO“ Sarajevo i „RE-INŽENJERING“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija II je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitani su cijena ponuda i rok plaćanja, kao potkriteriji „ekonomski najpovoljnije ponude“, kako slijedi:

r/b	Ponuđač	Ukupno bez PDV-a	Popust	Faktor korekcije (sum/3)	Sveukupno sa popustom bez PDV-a	Sveukupno sa popustom i PDV-om	Rok plaćanja (dan)
1.	OD „AMCO“ Sarajevo	4.114.890,00	-	514.361,25	514.361,25	601.802,66	60
2.	„RE-INŽENJERING“ d.o.o. Sarajevo	4.119.940,00	-	514.992,50	514.992,50	602.541,23	60

Nakon izvršenog otvaranja ponuda Komisija II je pristupila detaljnoj analizi dokumentacije priložene uz ponude u smislu provjere njihove validnosti, obzirom na iskazane zahtjeve ugovornog organa u tenderskoj dokumentaciji, procedurama utvrđenim tenderskom dokumentacijom i u skladu sa Zakonom, odnosno pripadajućim podzakonskim aktima.

Komisija II je uvidom utvrdila da dostavljene ponude ne ispunjavaju formalno pravne, ekonomske i tehničke uslove, odnosno zahtjeve Ugovornog organa.

Ponuđač OD „AMCO“ Sarajevo nije dostavio traženi dokaz o ispunjavanju uslova iz tačke 7.4. Tehnička i profesionalna sposobnost tenderske dokumentacije, podtačke 7.4.2. pod b), odnosno:

7.4. TEHNIČKA I PROFESIONALNA SPOSOBNOST

7.4.1. U skladu sa članom 49. i 50. Zakona, ponuđač je dužan ispuniti sljedeće uslove tehničke i profesionalne sposobnosti:

b) *Angažman stručnog osoblja na poslovima izvođenja predmetnih radova:*

Napomena:

Izvođač je dužan angažovati stručna lica sa određenim obrazovnim kvalifikacijama i potrebnim radnim iskustvom te položenim stručnim ispitom za izvođenje svih faza izvođenja radova, sve u skladu sa odredbama Zakona o prostornom uređenju Kantona Sarajevo („Službene novine Kantona Sarajevo“ broj 24/17 i 01/18) i odredbama Uredbe o uređenju gradilišta, obaveznoj dokumentaciji na gradilištu i sudionicima u građenju („Službene novine F BiH“ broj 25a/22, 42/22 i 93/22).

Dokazi:

b) Sarajevo („Službene novine Kantona Sarajevo“ broj 24/17 i 01/18) i odredbama Uredbe o uređenju gradilišta, obaveznoj dokumentaciji na gradilištu i sudionicima u građenju („Službene novine F BiH“ broj 25a/22, 42/22 i 93/22) angažovati stručna lica sa određenim obrazovnim kvalifikacijama i potrebnim radnim iskustvom te položenim stručnim ispitom za izvođenje predmetnih radova.

Izjava mora biti potpisana i opečaćena od strane ovlaštenog lica ponuđača.

Napomena: Ugovorni organ zadržava pravo provjere navedenih podataka koji se odnose na angažovana stručna lica.

Obzirom da je u ponudi ponuđača OD „AMCO“ Sarajevo dostavljena izjava o angažovanju stručnih lica, ali ne u skladu sa traženim dokazom za ispunjavanja uslova iz podtačke 7.4.2. pod b), ista se isključuje u skladu sa odredbom člana 68. stav (1) Zakona o javnim nabavkama. O gore navedenom je pismenim putem obavješten ponuđač.

Također Komisija II je nakon detaljne analize prispjelih ponuda konstatovala da ponuda ponuđača „RE-INŽENJERING“ d.o.o. Sarajevo nije prihvatljiva iz istog razloga kao i ponuda ponuđača OD „AMCO“ Sarajevo, te se ista isključuje iz daljeg postupka evaluacije. Naime u ponudi ponuđača „RE-INŽENJERING“ d.o.o. Sarajevo dostavljena je izjava o angažovanju stručnih lica ali ne u skladu sa traženim dokazom za ispunjavanja uslova iz podtačke 7.4.2. pod b), ista se isključuje u skladu sa odredbom člana 68. stav (1) Zakona o javnim nabavkama. O gore navedenom je pismenim putem obavješten ponuđač.

Komisija II je u daljem radu donijela jednoglasnu odluku da se Opštinskom načelniku dostavi

PREPORUKA O PONIŠTENJU POSTUPKA

U skladu sa Zapisnikom o pregledu i ocjeni ponuda od 14.07.2023.godine utvrđeno je da nije dostavljena nijedna prihvatljiva ponuda, u skladu sa članom 69. stav (2) tačka d), čime su se stekli zakonski uslovi za poništenje postupka nabavke za izvođenje radova na investicionom održavanju stambenih prostora Općine Centar.

Iz navedenog razloga, primjenom člana 69. stav (2) tačka d) Zakona o javnim nabavkama BiH ("Službeni glasnik BiH", br. 39/14 i 59/22), te da Opštinski načelnik u postupku navedene nabavke nije našao razloge, niti nepravilnosti u radu Komisije II koji bi eventualno bili osnov za neprihvatanje preporuke Komisije II, te je odlučeno kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke shodno članu 101. Zakona.



Prilog: Zapisnik o pregledu i ocjeni ponuda
broj: 10/E-11-3745/23 od 14.07.2023.godine

DOSTAVITI:

1. Ponuđačima:

- DD „AMCO“ Sarajevo, ulica Porodice Ribar broj 41, 71000 Sarajevo
- „RE-INŽENJERING“ d.o.o. Sarajevo, ulica Džemala Bijedića broj 121b, 71000 Sarajevo
- 2. Službi za stambene i komunalne poslove
- 3. Službi za finansije
- 4. Kabinetu općinskog načelnika – Odsjek za javne nabavke
- 5. Arhiva